



元和郡縣圖志卷第三十七

嶺南道四

桂管經畧使

桂州 始安 都督府 開元戶三萬六千三百六十五 元和戶八千六百六十

管州十二

桂州 梧州 賀州 昭州 象州 柳州

嚴州 融州 龔州 富州 蒙州 思唐州

管縣四十七

禹貢荊州之域漢元鼎六年置零陵郡今州即零陵郡之始安縣也吳歸命侯甘露元年于此置始安郡屬荊州晉



屬廣州梁天監六年立桂州于蒼梧鬱林之境因桂江以
 為名大同六年移於今治開皇十年置總管府大業三年
 罷州為始安郡武德四年復為桂州總管府七年改為
 都督府天寶元年改為始安郡至德元年改為建陵郡

州境東西三百八十一里
 南北一百二十八里
 北至上都二十七百里
 北至東都三千四百四十五里
 北至道州四百七十里
 東北至蒙州三百五十里
 南至水陸至梧州六百三十里
 東南至昭州二百三十五里
 西南至象州五百二十里
 西北至融州四百九十里
 西至柳州五百三十里

貢賦開元

貢銅鏡四十面
 貢銀一百兩

管縣十

臨桂

全義

靈川

陽朔

永福

建臨

治定

慕化

永豐

荔浦

臨桂縣郭上本漢治安縣屬陵零郡至德二年改為臨桂縣
 桂江一名離水經縣東去縣十步揚僕平南越出零陵下
 離水即謂此也

駁鹿山一名福祿山在縣東北十五里

全義縣中下南至州本漢始安縣之地武德四年分臨源

縣大歷三年改為全義縣

越城嶠在縣城北三里即五嶺之取西嶺也

湘水出縣東南八十里陽朔山下經零陵郡西十里陽朔山即零陵山也其初則觴為之舟至洞庭日月若出入其中故越城在縣西南五十里漢高后時遣周竈擊南越趙佗踞險為城竈不能踰嶺即此也

靈川縣中下西自龍翔二年分始安縣置東臨桂江冷

山在縣西南一百里

陽朔縣中下北至本漢始安縣地開皇十年分置陽朔

縣取陽朔山為名也皇朝因之

灘水在縣西二十里

永福縣中下東北武德四年析始安縣之永福鄉置因為名

白石水經縣東去縣七步

建陵縣中下北至州本漢荔浦縣地吳孫氏置縣梁武帝

立為郡開皇十年廢為縣後因之

建水出縣北建山南流經縣東

駱馳水在縣西七里

治定縣中上東北隋仁壽初分始安縣置至德二年改

為治定縣

慕化縣中下東北至武德四年析始安縣置

常安水東去縣七步

永豐縣中下北至吳甘露元年析漢荔浦縣之永豐鄉

置開皇十年省入陽朔縣武德四年復置

荔浦縣中下北五州本漢舊縣因荔水為名屬蒼梧郡

縣南有荔平閘今廢英屬始安郡隋改屬桂州武德四年

于此置荔州貞觀十二年州廢縣復屬桂州

荔江水在縣南一里

梧州下蒼梧開元戶一千二百九

鄉九

古越地也秦南取百越以為桂林郡秦末趙佗自立為南

越王其地復屬焉漢元鼎六年平呂嘉又以其地為蒼梧

郡之廣信縣也領縣十一自漢至陳為郡不改開皇十年

罷郡為蒼梧縣屬靜州大業三年罷靜州復為蒼梧郡

武德五年於郡置梧州

州境東西一百一十里

八列西北至上都取桂州路四十三百三十五里

西北至東都取桂州路四百五里

西南至封州五百里

東南至封州五百里

南微西至義州三百里

西北至桂州六百三十里

貢賦開元貢白石英

管縣三 蒼梧 戎城 孟陵

蒼梧縣下本漢蒼梧郡廣信縣地也自漢迄陳不改開

皇十年罷郡於此立蒼梧縣皇朝因之

通星山在縣北六十二里漢劉曜為太守常登此山仰觀星
歷因號通星山 蔚水南去縣八里

戎城縣 下東北至本漢廣信縣地梁于此置遂城開皇十年虞

慶則南征頓兵于此改為戎城縣皇朝因之縣北臨西江水

蓋陵縣 下南至州本漢舊縣也屬蒼梧郡隋省武德四

年重置為藤州貞觀八年改屬梧州

賀州 臨賀 開元一千五百三十七 元和戶四百四十九

鄉十 鄉十

漢蒼梧郡地今州即蒼梧郡之臨賀縣也吳黃武五年割

蒼梧置臨賀水出州東北界西流又注臨水郡對臨賀二

水故取名焉吳屬荊州晉屬廣州開皇元年以郡為賀州

大業二年廢州以縣屬蒼梧郡武德五年復置賀州

州境 東西五百七十里 南北四百十里

八到 西北至上都三千八百五十五里 西北至東都三千五百九十五里 西至昭州三百里 西南至富州三百十里 西南至梧州四百十里 東至連州二百七十里 南至封州三百六十里

貢賦 元開元 負 銀 三 兩 烟 蛇 胆 蕉 布 石 斛 班 弓 彈 弓 面 竹 布

管縣六 臨賀 封陽 馮乘 桂嶺 蕩山 富川

臨賀縣 下本漢舊縣也自漢至陳不改大業二年省臨

賀入富川縣十二年重置屬蒼梧郡武德四年改屬賀州

縣北四十里有大山山有東遊龍中二治百姓採沙燒錫

以取利焉

臨水東去縣十步又有賀水合更名臨賀水

封陽縣下北至州二本漢舊縣屬蒼梧郡在封水之陽故

名吳屬臨賀郡隋屬桂州武德二年屬賀州

長林山在縣東五里

臨賀水在縣東百步

馮乘縣下東南至本漢舊縣屬蒼梧郡界內有馮溪因

以為名吳屬臨賀郡至隋不改大業三年改零陵郡武德

四年屬賀州

葫渚嶠在縣北一百三十里即五嶺之第四嶺也按今縣與

道州江華縣分界于此嶠之上

錫治三

桂嶺縣下西南至本漢臨賀縣之地吳分置建興縣屬

臨賀郡晉改為晉安縣開皇十八年改為桂嶺縣屬連州

因界內桂嶺為名武德四年改屬賀州

桂嶺在縣東十五里

程峒在縣東南一百二十里

朝峒縣北四十五里並有鐵鈿自隋至今採取

蕩山縣下東至州蕭梁于此立大業二年省武德四年

復置蕩山縣蕩山在縣西七里

富川縣下東南至州本漢舊縣屬蒼梧郡吳屬臨賀

賀郡漢屬桂州武德四年改屬賀州

鍾乳穴三

靈溪水今名富水去縣西二里

昭州

平樂

開元戶七十三
元和戶一千三百七十八

鄉十二
鄉七

本漢蒼梧郡之富川縣地也吳甘露元年分富川縣置平

樂縣屬始安郡至隋不改武德四年于縣置樂州貞觀八

年改樂州為昭州取境內昭潭為名

州境

東西北三百七十三里
西北至上都三千九百三十五里

八列

西北至東都三千九百三十五里
西北至桂州二百七十里
北至嶺南三百里
東至賀州三百里
東南至道州一百六十里
東北至道州一百六十里

東至賀州三百里
東南至道州一百六十里
東北至道州一百六十里

貢賦

開元元和

貢

銀三十兩
銀三十兩

管縣三

平樂

茶城

永平

平樂縣

郭下

本漢富川縣地吳于此置平樂縣取平溪為

名具序州目

巖山在縣北三十八里岩有兩孔相對如人目瞳子白黑

分明因號為目岩

縈山在縣南十里山有水客

縣東三十一里有陽理穴柳溪穴新穴皆出鍾乳

平樂溪在縣南三里水西約岸有昭潭周迴一里其深不測

茶城縣

州下西南至

州九十里武德四年析平樂縣置

銀殿山其下有鍾乳穴十二所在縣東二十八里

平樂水西去縣二百步

永平縣州下西南九十里證聖元年割平樂縣水平鄉置因鄉為

名縣南臨永平水西流入平樂縣界

象州象郡開元戶三千二百七十

漢平南越置鬱林郡今州即鬱林郡中潯潭中二縣地也

開皇十一年廢二縣以潭中縣為桂林縣仍以桂林置象

州大業二年廢象州以桂林為桂州武德四年平蕭銑析

桂林立武德縣仍于縣治重置象州取界內象山為名

州境

八到北至上都四千二百二十五里

東至東都三千九百六十五里

西南至嚴州二百八十里

東至康州陸路一百九十里

東南至潯州二百十里

西至柳州一百六十里

貢賦開元銀二十兩

管縣三 陽壽 武仙 武化

陽壽縣郡下本漢中潯縣之地也開皇十一年廢中潯入

桂林縣又析桂林置陽壽縣屬州

象山在縣西北三里

陽水南去縣二十步

武仙縣州下西北至武德四年析桂州建陵縣南置

武化縣州下西南至武德四年析桂州建陵縣之南界置

屬晏州貞觀十二年廢晏州改為象州

柳州龍城開元戶一千三百七十四元和戶一千二百八十七

鄉十四
鄉九

本漢鬱林郡潭中縣之地迄陳不改開皇十一年改潭中為桂

林縣仍析桂林為馬平縣屬象州隋末陷賊武德四年蕭銑

于此置昆州又改為南昆州貞觀八年改為柳州因柳江為名

州境

八列

北至上都四千二百四十五里
東北至東都四千二百四十五里
北至融州陸路一百二十三里水路三百八十里
東至柳州五百四十里
東至象州一百六十里

貢賦

開元貢銀三百兩
元和貢銀三百兩

管縣五 馬平 龍城 洛容 洛封 象縣

馬平縣下隋開皇十一年析桂林縣置屬象州貞觀屬柳州

潭水東去縣二百步

柳江在縣南三十步

龍城縣州下東南至開皇十一年析桂林縣置

潭水在縣西十里

龍溪水經南入潭水

洛容縣州下東南至永徽中置屬嚴州天授二年割屬柳州

洛封縣州下東南至本烏蠻所住村名乾封二年招慰蠻

戶因為縣

象縣州下西南至陳于今縣南四十五里置象郡開元九年廢

郡為縣龍朔三年為賊所蕪乾封二年復置總章元年割為柳州

嚴州循德開元戶一千六百六十元和戶一千十六鄉十四御四

本漢鬱林郡中潯縣之地乾封三年於廢昆州樂沙縣置

嚴州仍改樂沙縣為懷義縣州城南枕大江當桂州往邕

州之路在嚴崗之上因為名

州境東西南北

八到北至上都四千四百五十里

東北至東都四千一百二十五里

西南至賓州一百九十里

東南至澄州二百二十六里

東北至柳州陸路二百里

貢賦無

管縣二 循德 來賓

循德縣郭下武德四年析桂林立陽德縣其年又改名循

德縣本屬柳州永徽初割入嚴州仍為治州

古郎山在縣西四十里

都泥江南去州一里

來賓縣州下東至本樂沙縣也乾封二年為懷義縣天寶

二年改曰來賓在都泥北來賓水東故以為名

融州融水開元戶一千七百七十元和戶二百四十二鄉七鄉五

本漢鬱林郡潯中縣地也自漢迄宋不改蕭齊于此置齊

熙郡梁大同中又于郡治置東寧州開皇十一年改為融

州廢齊熙郡為義熙縣大業三年州廢武德四年平蕭
銑于義熙縣復置融州因州界內融山為名

州境東西四百四十七里
南北四百九十七里

八列比至上都四十一百九十五里
東比至東都三千九百三十五里

東至桂州四百九十五里
南至柳州路三百八十里

貢賦開元
元和
貢
黃藤
防風
桂二十五斤
金三兩

管縣二 融水 武陽

融水縣郭下開皇十一年改齊熙郡為義熙縣屬融州武

德六年改為融水

銅鼓山在縣西南二十五里

融溪水在縣北五十二里

武陽縣東比至開皇十一年析義熙縣置臨洋縣永徽元年

廢入融水龍朔二年重置改為武陽

武陽溪水在縣東十里

龔州臨江
開元戶二千四百二十
元和戶二百七十六

鄉十五

古越地也漢平南越置蒼梧郡今州即蒼梧猛陵縣之地
也晉分猛陵置永平郡又為永平郡之武林縣地也貞觀

三年于此置鸞州于今州東六十五里于鸞州舊治置龔

州都督府因龔江以為名也

州境東西
南北

八到

西北至上都取梧桂路四千五百七十五里

正北至微東都四千三百三十五里

西南至微東都四千三百三十五里

東至藤州一百四十里

北至象州一百四十里

南至緜州一百七十四里

貢賦元和貢銀二十七兩

管縣五

平南縣

下本漢猛陵縣地貞觀七年于此置平南縣屬龔州

平南

武林

隋建

大同

陽川

龔江一名潯江亦名都泥江在縣南五十步

武林縣

下西北至本漢猛陵縣地宋元嘉二年置武林

縣屬永平郡隋屬藤州貞觀七年割屬龍州

潯江東南去縣十五里

隋建縣下西北至開皇十九年分武林縣置屬藤州貞觀

七年割屬龍州

盧越水在縣東南百十步

大同縣下南至川本漢鬱林郡布山之地也貞觀七年於此

置大同縣屬龍州

花憐水在縣東北二十步

陽川縣下東南至本漢布山縣地貞觀七年於此置西平

縣屬龔州天寶元年改為陽川

仙人山在縣東北三十里

潯江南去縣三十五里

富州開州 開元戶一千三百一十一戶

鄉四

禹貢荊州之域漢平南越置蒼梧郡今州即漢蒼梧郡之臨賀縣地也梁武帝今臨賀郡置南靜郡開皇中廢武德五年重置靜州貞觀八年改為富州因富川水為名也

州境東一百七十三里

八到西北至上都四千九百五里

東北至貴州二千八百三十五里

西至蒙州九十里

東南沿路至梧州三百二十里

管縣三 龍平 開江 思勤

龍平縣下本漢臨賀縣地也梁于此立南靜郡開皇十一年

廢以龍平縣屬桂州貞觀八年改置富州縣割屬焉

灘水東去縣二十一步

富川水經縣南又東入灘水

開江縣下北至本漢臨陵縣地梁于此置開江郡開皇

十年罷郡為縣以屬靜州大業二年廢武德五年復置屬

梧州神龍元年割屬富州

桂江在縣西二里

思勤縣下南至州右聖歷元年分龍平縣置二年於縣

置武安州開元二年廢以縣屬富州

富川水在縣東五十步南流

印崗山在縣北四十五里

蒙州蒙山下開元戶一千六百三十七
元和戶二百七十二

本漢蒼梧郡地今州即漢蒼梧郡之荔浦縣也開皇十年

分置隋化縣屬桂州武德五年于此置南恭州貞觀八年

改為蒙州因蒙水為名

州境

東至北至東都三千七百九十三里

西北至上都四千五百九十三里

南至龍安州三百五十五里

西南至象州三百五十五里

貢賦開元貢金元和賦金十兩

管縣三 立山 正義 東區

立山縣郭下本開皇十年分荔浦置隋化縣屬桂州武德

五年置立山縣屬荔州改屬蒙州

蒙水舊名涇水在縣二里

正義縣下東南至武德五年分荔浦縣置屬荔州改屬蒙州

蒙水在縣南四里 乳穴二

東區縣下西北至武德五年分荔浦縣置

涇水去縣西北三十三里

思唐州下

元和戶六十一

永崇二年前桂州司馬夏侯處廉奏割龔蒙象三州置

開元二十四年奏為羈縻州建中元年昇為正州額

州境東西

八列

西北至上都四千二百十里

北至東都三千九百五十里

南至靈州一百四十里

北至蒙州一百六十里

東至富州三百五十里

西至象州一百八十里

貢賦開元

貢銀十兩

管縣二

武朗

平原

武朗縣下右與州同時置前臨馳禮江

唐嶺在縣西南四十里與平原縣分界

平原縣下東北至右與州同時置前臨思洪江

元和郡縣圖志卷第三十八

嶺南道五

邕管經畧使

邕州

貴州

賓州

澄州

橫州

欽州

潯州

巒州

安南都護

交州

爰州

驩州

峯州

陸州

賓州已上朝貢

長州

郡州

諒州
武安州

唐林州 武定州

貢州

已上附貢

兼管羈縻州三十一

今為邕管經畧理所

管州八

邕州

貴州

賓州

澄州

橫州

欽州

潯州 靈州

管縣三十三

開元戶一千六百二十四

鄉十二

邕州 胡寧下都督

古越地也秦并南越為桂林縣地在漢為鬱林郡之領方

縣地也晉於此置晉興郡隋開皇十四年廢晉興郡為晉

興縣屬簡州大業三年州廢以縣屬鬱林郡武德四年於

此置南晉州貞觀六年改為邕州因州西南邕溪水為名

乾封二年置都督府後為夷獠所陷移府於貴州景雲二

年州界平定復於邕州置都督府

州境 東西南北

八到

北至上都取靈州路四十七百十五里
又取藤州路五千四十五里

北至東都四千五百八十里
西南至讓州二百八十里
東北至澄州二百四十里
東至欽州三百三十里
西南至安南一百一十里

貢賦

管縣七 宣化 武緣 晉興 朗寧 思籠 如和 封陵

宣化縣 下本漢領方縣地開皇十四年於此置晉興縣

十八年改為宣化縣屬鬱林郡武德屬邕州

鬱江水經縣南二十步

左溪右溪在縣東西流至縣東南同置注鬱江

武緣縣 中西至本漢領方縣地開皇十一年於此置武緣縣

屬緣州大業三年廢武德五年又置

鬱江水經縣南去縣三十步

都後鎮在縣西水路一百里

晉興縣中下南本漢領方縣地晉於此置晉興縣開皇

十四年隋武德五年又置

朗寧縣中下南本漢蓋增食邑縣地也武德五年分

置朗寧縣屬南晉郡改屬邕州

思籠縣中下東至

如和縣下西南至已上二縣並景雲後置

封陵縣中下東北本漢合浦縣之地武德五年析欽州

南賓安京二縣地置如和縣因縣西南四十里如和山為

名屬欽州景雲二年割屬邕州

貴州懷澤開元戶三千六百二十九

鄉十九

本西甌駱越之地秦併天下置桂林郡尉佗王越改桂林為鬱

州後又為桂林元鼎六年平南夷改桂林為鬱林郡梁時於

郡置南定州開皇十年罷鬱林等郡改南定州大業二年

改尹州為鬱州三年罷州為鬱林郡隋末陷賊武德四年

平蕭銑於郡置南尹州并置總管府八年改南尹州為貴州

州境東西一百三十七里

八列西北至上都取梧桂州路四千八百七十五里取象州路四千五百八十里

東北沿流至潯州二百十五里陸路一百四十里

南至鬱林州一百四十里

西至賓州二百二十五里

北至象州三百十里

東至緜州一百里

西南沿流至橫州一百七十里

貢賦 開元貢 紵布

管縣四

鬱林

懷潯

義山

潮水

鬱林縣

下本漢廣鬱林縣也吳改為陰平晉改為鬱平開

皇十年於此置鬱林縣屬鬱林郡武德屬桂州

顯朝固在縣北二十里陸續為太守每登此岡制渾天圖

鬱江水南去縣十五步

石井亦名司命井在縣北二里竭則人疾疫歲不登

義山縣

下東北至本漢廣鬱林縣地開皇十年置馬度縣因

縣南三十里馬度山為名武德四年改為馬嶺天寶元年

懷澤縣下北至本漢鬱林縣地武德四年置

潮水縣下東至本漢廣鬱林縣地武德四年分置潮水縣

浮溪水在縣南十三步

賓州

領方開元戶一千八百九十五

鄉十一

古越地也今州即漢鬱林郡之領方縣也至隋不改隋亂

陷賦貞觀五年析澄州三縣於此置賓州

州境

東西一百三十二里南北六十三里

八到北至上都四千五百九十五里東北至東都四千三百三十五里

東至貴州二百二十五里
東北至嚴州一百九十里
西南至邕州二百四十五里
西北至澄州八十八里
貢賦 開元 貢 筒布 蕉布

管縣三 領方 瑯琊 保成

領方縣 下 本漢舊縣也吳改為臨浦縣隋復為領方屬
鬱林郡貞觀割屬賓州武德四年析領方縣置屬南方州

都婁水去縣二十三里

瑯琊縣 下 西北至武德四年析領方縣屬南方州貞觀

割屬賓州

瑯琊水在縣西一里

保城縣 下 西至本漢廣鬱縣地屬鬱林郡梁置安成郡

隋改縣屬鬱林郡貞觀割入賓州至德年改名保城

可零水出縣西平地北流

澄州 下 賀水 開元戶二千一百六十五里

古越地今州即漢鬱林郡之領方縣地也漢領方縣今賓

州領方縣也自漢迄隋其地不改隋亂陷賊武德四年平

蕭銳於此置南方州貞觀八年改為澄州

州境 東西三百五十三里

八到 北至上都四千三百七十三里
東北至東都四千六百三十五里

東至貴州三百四十一里
西至色州三百三十九里

南至賓州八十八里
北至嚴州三百三十里

貢賦 開元 貢銀

管縣四 上林 無虞 止戈 賀水

上林縣 下 本漢領方縣地也武德四年分置上林洞口

因以為名

胡澧水在縣北一百步

無虞縣 下 西南至武德四年析領方縣置屬南方州改

屬澄州

羅富山在縣西北五里

都澧水在縣北一里

止戈縣 下 東至武德四年析領方縣置屬南方州改屬澄州

賀江水一名都泥江在縣北一百九十里

賀水縣 下 西南至武德四年析柳州馬平縣置屬南方

州改屬澄州

都泥江在縣北一百四十里

橫州 下 寧浦 開元戶一千三百七十八

古越地趙佗王越地亦屬之漢平南越置合浦郡今州即

漢合浦郡之高涼縣地也在今高州界晉於合浦北部置

寧浦郡開皇十年廢為縣以屬簡州十八年改為簡州為

緣州大業三年廢州為鬱林郡隋末陷賊武德四年平蕭

銑重置南簡州貞觀八年改為橫州至德移于舊州東七

里鬱江北岸

州境東西一百三十二里
南北二百一十一里

八到北至上郡取貞象州路四千七百五十五里取藤隘千七百七十五里
東北至東郡四千三百九十五里
東北至貴州水路一百七十五里
西南至欽州水陸相兼三百一十一里

貢賦開元 貢 銀

管縣四

寧浦

樂山

涼風

山領山

寧浦縣下本漢高涼縣地吳分為寧浦縣開皇屬鬱

林郡貞觀屬橫州

鬱江水俗名素江北去縣十步

樂山縣下西至州水一百二十里本漢屬鬱縣之地陳於此置樂陽

郡開皇十年廢郡為縣仍為樂山屬緣州大業改屬鬱林

郡貞觀改屬橫州

鬱江南去縣七步

涼風縣下西南至武德四年析寧浦縣之北界置

鰲江水經縣西去縣百步

嶺山縣下東至本漢高涼縣之地梁於此置領山郡開

皇十年廢郡為縣屬鬱林郡武德四年改屬橫州

蠻江北去縣五步

欽州寧越 開元戶二千二百八十

古越地非九州之域尉佗王越亦屬焉漢平南越置合浦
郡今州即之合浦縣地也按合浦在廉州界宋分
合浦置宋壽郡梁武帝於今欽江縣南三里置安州開皇
十八年改安州為欽州取欽江為名也大業三年改為寧
越郡武德四年平蕭緝改為州仍為都督府貞觀元年罷
都督府復為州

州境東西六百七十三里
南北四百四十四里

八到北至上都三千五百里
東北至東都四千八百五里
東北至橫州三百四十里
西南至陸州七百四十里
西至廉州三百三十里

貢賦開元
貢金銀

管縣五 欽江 安京 遵化 內亭 虛山

欽江縣郭下本漢合浦縣之地宋於此置宋壽郡開皇十

九年罷郡為欽江縣屬欽州皇朝因之

豐子嶺在縣北一百二十里

欽江在縣東二百步

西零戍在縣南五里

安京縣下西北至梁武帝分宋壽郡於此置安京郡開皇

十年廢郡為縣屬欽州皇朝因之

羅浮山在縣北十里俗傳似循州羅浮山因名之

遵化縣下西南至州隋開皇二十年置本合浦縣地也

欽江水源出縣東北閭博山

內亭縣下東南本漢合浦縣地開皇十七年置名新化

縣十八年改名內亭屬州皇朝因之因內亭水為名

唐山縣下南陸路一百二十里開皇十八年于州北四十八里置南

賓縣貞觀十年移于嶺南天寶元年改為唐山縣合南四

十里謂之水步即是欽州北來人泝流捨舟登陸處

潯州下潯江開元戶一千七百十六

本漢合浦郡地貞觀七年分置潯州取北潯江為名十二年廢入

潯州長壽元年又割潯州桂平皇化大賓三縣重置潯州

州境東西南北

八到北至上都四千六百九十五里

東北至東都四千一百七十五里

南至繡州八十里

西北至象州陸行二百十里

東北沿流至嬰州一百二十里

西南沿流至貴州二百里陸行一百里

貢賦

管縣三

桂平

皇化

大賓

桂平縣下本梁于此置桂平郡開皇十年罷郡為縣屬

鬱林郡貞觀七年于縣置潯州十二年廢以縣又屬焉

皇化縣下西至開皇十一年置因縣東一里皇化水為

名大業二年廢貞觀七年復立

大賓縣下西至開皇十五年分桂平縣置縣西北賓水

為名武德七年曾于縣置潯州後移于桂平縣

蠻州永定下

本漢領方縣地貞觀末永徽初置後以蠻俚背叛廢于其城置驛開元十五年李高隱重奏置

州境東西南北

八到

西北至上都取橫象州路四十八百十五里
東北至東都四千六百三十五里
東沿流至邕州一百三十里
西沿流至潯州九山無路

貢賦魚

管縣三

永定

武羅

靈竹

永定縣郭下

武羅縣下北至州七十里

靈竹縣南至州九十里

安南都護府文趾上

開元戶二萬五千六百九十四
元和戶

鄉三十五
鄉五十六

今為南安都護理所

羈縻州三十二

管州十三

交州

愛州

驩州

峯州

演州

陸州配貢上

長州

郡州

諒州

武安州

唐林州

武定州

貢州已上附貢

管縣三十六

都管戶二萬六千一百三十五

古越地也秦始皇平百越以為桂林象郡今州即秦象郡

地也趙佗王角越地又屬焉元鼎六年平呂嘉遂定越地以為南海蒼梧鬱林合浦交趾九真日南珠崖儋耳九郡元封五年置刺史以部之名曰交趾者交以南諸夷其足大指廣而足並立則交焉漢本定為交趾刺史不稱州以別於十二州建安八年張津為刺史士燮為太守其表請立為州自此始稱交州焉吳黃武五年分交趾日南九真合浦四郡為交州南海鬱林蒼梧三郡為廣州尋省廣州還併交州以番禺為交州所理後又徙於交趾晉太康中徙理龍編開皇十年罷交趾郡為玉州仁壽四年置總管府太業三年罷州後為交趾郡武德四年又改為交州總管府

永徽二年改為安南都護府兼置節度大歷三年罷節度置經畧使仍鎮南為安南都護府貞元六年又加招封處置使

府境東五百至六里
西五百至六里
南七百里至九里
北七百里至九里

八到北至上都六千四百五里水路六千六百四十里
北至東都五千七百八十九里水路六千三百八十里
西南至愛州五百里水行七百里
西北至峯州一百二十里
東至陸州水行百有里
西至州水行百有里
東至州水行百有里
北至州水行百有里

貢賦開元貢水約四百里
孔確 烟地胆 蕉布 合貢犀角 草豆冠 龍衣
檳榔 黃香 翠毛 翡翠 魚皮 白蠟

管縣八 宋平 武平 平道 太平

南定 朱鳶 交趾 龍編

宋平縣 軹下本漢日南郡西捲縣地宋分立宋平縣屬九

德郡後改為宋平郡開皇十年改屬交州武德四年於此置
宋州貞觀九年廢宋州改屬交州

慈廣水經縣南二里

蕪晉江南去縣二百步

安陽王故城在縣東北三十二里蓋晉交州之地

羸樓音連故城在縣西七十五里本漢縣屬交州郡有差官

後漢交趾刺史理于此後徙龍編

武平縣中百西南至府九十里本扶嚴夷城地也吳歸命侯建衡三

年破扶嚴夷置武平郡開皇十年廢郡立崇平縣屬交州

武德四年改名武平

平道縣中下西北至府五十里本扶嚴夷地吳時開為武平郡立平

道縣屬之開皇十年廢縣屬交州

仙山縣東北十三里隱嶼數百里則龍編之西門也

太平縣中下東北至府六十里本扶嚴夷地開皇十年分武平置隆

平縣開元元年改名太平

南定縣中下東北至府六十里本漢羸樓縣地貞元七年於此置南

定縣其舊南定縣在今縣東南二百餘里羈縻長州側近

開元十年後廢

朱鳶縣上東南至府五十里本漢舊縣也屬交趾郡至隋不改武德

四年於此置鳶州貞觀元年廢縣屬交州

朱鳶江北去縣一里後漢馬援南征鑄銅船于此揚排燃火炙船頭令赤以焦踊浪及殺巨鱗橫海之類

交趾縣中下東南至府十五里本漢龍編縣地開皇十年分置交趾

縣武德四年於此置慈州貞觀元年州廢縣屬交州

洎江水西北自崇平縣界流入至此故名

慈廉水北去縣西十步

龍編縣中下西北至府四十五里今漢縣也屬交趾郡立縣之始蛟龍

盤編於江津之間因以為瑞而名縣也武德四年於此置

龍州貞觀元年州廢縣屬交州

朱鳶江在縣北即桑榆水之一源也盧循之寇交州也刺

史杜慧度率軍水步晨出南洋以火箭攻之燒其船艦一

時潰散循亦中矢赴水而死

交州故城在縣東十四里吳時刺史陶橫所築

石九子母祠在縣東十四里

愛州九真開元戶一萬四千五十六御二十九
元和戶五千三百七十九御八

秦象郡地也漢元鼎六年平南越置九真郡領青浦居風

都龐龍餘發咸驩無功無編七縣屬交趾刺史梁武帝於

郡理置愛州大業三年改愛為九真郡武德五年印和歸

國罷郡復為愛州

州境東西二百八十二里
南北四百十里

八到 北至上都六千四百七十五里
北至東都六千二百十五里
東至長州水行四百五十里
西至小獠界水行百九十里
東至浦州二百四十里
南至溈州二百五十里
西北至僚柵三百里
西北至安南都護五百里水路七百里

貢賦 開元 貢 孔雀毛 賦 棉 今貢孔雀尾十具翠尾百
檳榔五百顆 犀角三斤

管縣五 九真 安順 崇平 日南 軍寧

九真縣 下本漢居風縣地也吳改居風為移風開皇十七
年分移風置縣屬愛州後漢任延為九真太守舊俗以獵
射為業不知牛耕人常告糶交趾每致困乏延乃令作田
器教之墾闢百姓充給

居風山在縣西四里上有風穴長風自是出焉其山出金

珍山在縣西三里

安鎮山在縣南三十一里出石磬勝於湘州零陵者

安順縣 下西北至州九里本漢居風縣地吳改為移風又分置常桑縣

屬九真郡開皇十年改屬愛州十六年改為安順縣皇朝因之

浮岳山在縣西五里

崇平縣 下北至本漢居風縣地晉於此立為高安縣屬九

真郡開皇十年改屬愛州十八年改高安為隆安開元九

年改為崇安至德三年又改為崇平

日南縣 下北至州三十里本漢居風縣地晉分置津梧縣開皇年

置日南屬爰州皇朝因之

鑿山在縣北一百三十里昔馬援征林邑阻風波乃鑿此山亭為通道因以為名

海在縣東七十里

軍寧縣下東南至本漢都龐縣也晉分立軍安縣屬九真

郡開皇十年改屬爰州至德二年改名軍寧

驩州日南開元戶六千六百四十九初十四
下府元和戶三千八百四十二初六

古越地九夷之因越裳氏重九譯者也在秦為象郡漢平

南越又置九真吳歸命侯天紀二年分九真之咸驩縣置九

德縣屬交州梁武帝于此置德州開皇十八年改為驩州

取咸驩縣為名也大業三年改為日南郡武德五年改為

南德州仍置總管府貞觀元年改為驩州兼管羈縻州六

州境東西

八列南北北至上都六千八百七十五里
東至東都六千六百七十五里
南至海州一百五十里
東至海州一百五十里
北至海州一百五十里
南至海州一百五十里

貢賦元和貢 象牙 沉香 翡翠 犀角 黃屑

管縣二 九德 越裳

九德縣州下西至本吳所立屬九德郡後改屬驩州

越裳縣州下西至本吳所置因越裳國以為名也屬九德

郡武德初屬置智州後屬驩州

峯州 承化 開元戶四縣共三千五百六十一 卿十五
元和戶一千四百八十二 卿八

古夜郎國之地按今新昌縣界有夜郎溪秦象郡之地漢

平南越置交趾郡之麓音冷縣地也吳歸命侯建衡三年

分交趾立新昌郡陳于此置興州開皇十八年改為峯州

大業二年州廢以縣屬交州武德四年又置峯州

管羈縻州二十八

州境東西九十七里 南北六十里

八到 北至上都六千一百五里 北至東都五千八百四十五里

東南至安南府一百三十里 北至羈縻平南州界一百里

貢賦 開元 貢 八蚕絲 豈冠 檳榔 蚶蛇胆 今貢豈冠百顆
翠毛一百合 犀角四十斤

管縣二 嘉寧 承化

嘉寧縣 郡下本漢麓冷縣地也吳分其地立嘉寧縣後因之焉

承化縣 郡下東南五里本麓冷縣地也天寶元年分置承化縣漢交

趾麓冷女子徵側及妹徵貳反稱王伏波將軍援討平之此地也

陸州 玉山 開元戶一千九百三十四 鄉六
元和戶二百三十一 鄉三

本漢交趾郡地梁大同元年于郡分置黃州開皇十八年改

為陸州以在海南有陸路通海北因為名州在窮海不

生菽粟又無絲綿唯捕海物以易衣食蓋島夷卉服之類也

州境 東西七百里 南北五十四里

八到 西北至上都水陸相兼六千一百二十里 西北至東都五千八百六十里

貢賦開元 貢 玳瑁 鱗皮 甲香 今貢同上

管縣三 寧海 烏雷 華清

寧海縣下本梁安海武德四年又置海平至德二年更今名 羅珮山在縣東九里其山在大海中也

烏雷縣下州一里西北本在州東水路三百里惣章元年置在

海島中因烏雷州為名大歷三年與州同移于安海縣置

狗理山在縣東四里

華清縣下西至本名玉山縣天寶元年改名華清本在烏

雷縣地四十里大歷三年與州同移于安海縣理南枕大

海

官井山在縣東約五十里相傳越王過海泊于此為無

澗水因鑿石為井因號為

演州龍池 元和戶一千四百五十 鄉三

古南越地漢九真郡之咸驩縣地也自漢迄隋不改武德五年於此

置驩鎮安人扶演相景西源四縣貞觀元年以德州改此為演州因

演水為名其州西接海當中國徃林邑扶南之大路也

州境東西南北

八到北至上都六千七百二十五里

北至東都六千四百六十五里

東至大海六里
北至愛州二百五十里
南至驩州一百五十里

貢賦開元 貢孔雀尾 黃屑

管縣三 忠義 懷驩 龍池

忠義縣下 本漢咸驩縣地 廣德二年分置忠義縣

懷驩縣下 東至州 本漢咸驩縣武德五年分置安人縣為演

州所理貞觀二十四年廢州改安人縣為懷恩天寶二年又

改為懷驩廣德二年復置演州仍移理

龍池縣下 南至州 本漢無編縣地也 蓋夷獠所附免其

徭役故以無編為名後漢省垂拱二年于此置龍池縣仍

於縣理立山州廣德二年廢山州以縣屬演州

大海在縣東四里

附貢州

長州文陽 西北至州 約一百里

管縣四 文陽縣 銅蔡縣 長山縣

其管縣 戶都六百 四十八

貢金

郡州西北 至府約 百九十五里

管縣二 韶口縣 安樂縣 戶都三百三十五

貢 白蠟三斤 孔雀尾真 蚺蛇胆二枚

諒州西北 至府約 二百五十里

管縣二 文諒縣 長上縣 戶都五百五十

貢 白蠟二十斤

武安州 武 西至府約一百八十里

管縣二 武安縣 臨江縣

貢 朝霞布食單

戶都四百五十八

唐林州 北至府約一千里

管縣二 唐林縣 安遠縣

貢 白蠟二十斤

戶都三百十七

武定州 東至府三百二十里

管縣二 扶郎縣 潭端縣

貢 翠毛二百二十合

戶都一千二百

貢州 西南至府約二百五十里

管縣二 武興縣 右都縣

貢 翠毛二百合

戶都三百十八

元和郡縣圖志卷第三十九

隴右道上

管州二十一

秦州 渭州 武州 蘭州 河州

鄯州 廓州 岷州 洮州 疊州

芳州 宕州 臨州 自臨州已下
分入下卷

涼州 甘州 肅州 沙州

伊州 瓜州 西州 庭州

秦州 天祿中府 開元戶二萬五十七 御三十九

禹貢雍州之域古西戎地周孝王時其地始為秦邑孝王

使非子主馬於汧渭之間馬大蕃息孝王邑秦使為附庸
今天水龍縣秦亭秦谷是也其後秦仲始大襄公列為諸
侯武公伏邽戎滅而縣之今州理上邽即秦之舊縣也始
皇分天下為三十六郡此為隴西郡地漢武帝元帝三年分
隴西置天水取天水名由此湖也王莽末隗囂據其地後
漢建武永平之後改天水曰漢陽郡魏分隴右為秦州因
秦邑以為名後晉入雍州晉復改漢陽為天水郡武帝泰
始中又立秦州別與州同理開皇三年罷郡所領縣並屬
州大業三年罷州為天水郡隋末陷於盜賊武德二年討
平薛舉改置秦州仍立總管府天寶元年改為天水郡乾

元元年復為秦州寶應二年陷于西蕃

州境東西四百三十九
南北五百五十里

八到東至二都八百里
東至東都一千六百六十里

東至隴州三百六十里

西至渭水三百里

西至成州一百八十里

東北至原州四百六十里

貢賦

管縣五 上邽 伏羗 隴城 清水 成紀

上邽縣上本邽戎地秦伐邽戎而置縣焉漢屬隴西郡

晉屬天水郡後魏以避道武諱改曰上邽廢縣為鎮大業

元年復為上邽縣屬天水郡武德屬秦州

嵯冢山在縣西南五十八里漾水之所出也東流為漢水
渭水在縣北十三里西自伏羗縣界流入

段谷水源出縣東南山下蜀將姜維為鄧艾所破於段谷
星散流離即此谷也

司馬宣王壘俗名上募城在縣東二里魏明帝太和五年
諸葛亮寇天水詔大將軍距之此其壘也諸葛亮壘俗名
下募城在縣東二里初亮出議者或欲自芟上邽左右麥
以奪賦食帝不從又勅令護麥及宣王與亮相待賴此麥
以為軍糧

姜維壘在北八里

漢高祖廟在縣東北五里隗囂自立為大將軍聘平陵人
方望為軍師勸囂立高祖廟以取信於人

伏羗縣

州中

東北至

本異戎地秦伐異戎而置縣焉漢異

縣屬天水郡後漢隗囂自稱西伯都於此後魏以異為當
亭周為黃瓜大業二年改黃瓜為黃城縣武德三年初立
伏州仍置伏羗縣八年罷伏州以縣屬秦州

朱圍山在縣西南六十里上有石鼓不擊自鳴則有兵起
渭水經北去縣一里

縣城本秦異縣也隗囂稱西伯都此時異人有謠曰出異
隗望羗部有一跛人欲上天謂天可上地上安得人囂卒

敗

隴城縣中西南至本漢略陽道屬天水郡初隗囂之據
冀城也來歙從上道襲得畧陽城囂乃使三元拒隴坻牛
邯軍瓦亭囂自率衆攻略陽郡開皇三年罷郡河陽縣
從理焉六年改為隴城郡縣

大龍山在縣東一百里

略陽川水北去縣三十步

瓦亭山在縣東北二百里隗囂使將牛邯守處其山亦
入原州界又有街泉亭蜀將馬謖為魏將張郃所敗

清水縣中下西南至本漢舊縣也屬天水郡後魏分略

陽置清水郡隋開皇三年罷郡縣屬秦州

小隴山一名隴坻又名分水嶺隗囂時來歙襲得略陽

囂使王元拒隴坂九迴不知高幾里每山東人西役升此

瞻望莫不悲思隴山有水東西分流因號驛為分水驛行

人歌曰隴頭流水鳴聲幽咽遙見秦川肝腸斷絕東去大

震關五十里上多鸚鵡

成紀縣中東南本漢舊縣也屬天水伏羲氏母日華前

有履大人跡生伏羲於成紀即此邱也周成紀縣屬略陽

郡開皇三年罷郡縣屬秦州皇朝因之

瓦亭川水東去縣十五里

渭州

隴西

開元戶五千二百三十二

鄉十四

禹貢雍州之域古西戎地戰國時羗戎雜居其地秦昭王
 伐得義渠戎始置隴西郡按天水有大坂名曰隴坻郡處
 坻西故曰隴西有鐵官監官漢末隗囂竊據建武十年囂
 降隴右平仍舊為郡靈帝分南安郡魏於此置鎮守鄧艾
 曰蜀師來而為一戎分為四以禦之謂狄道隴西南安岐
 山處齊王嘉平五年蜀將姜維圍南安襄武皆不克後魏
 莊帝永安三年於郡置渭州因渭水為名禹貢道渭自鳥
 鼠同穴山在州西一百二十九里渭源界大業三年罷州
 復置隴西郡隋亂陷賊武德元年西土底平復置渭州寶

應二年陷于西蕃

州境

東西二百六十六里
南北三百八十六里

八列

東至上都一千一百里
東至東都一千九百六十里
東南至秦州三百里
西南至岷州二百二十里
東北至原州五百五十里
西北至臨洮軍一百九十里

貢賦

元和

貢

秦苧

麩香

麻布

管縣曰

襄武

渭源

隴西

彰縣

襄武縣

縣下本漢舊縣也屬隴西郡開皇三年罷郡縣屬

渭州大業三年復屬隴西郡武德改屬渭州

渭水北自渭源縣界流入

六泉水在縣東北原上泉源有六因以為名

渭源縣上東微南本漢首陽屬隴西郡西魏大帝分隴

西置渭源郡因渭水為名也開皇三年罷郡縣屬渭州

鳥鼠山今名青雀山在縣西七十六里渭水所出凡有三

源並下其同六鳥如家雀色小其鼠如家鼠色小黃近穴

澍溺氣甚率諫使令逆嘔吐牛馬得此氣多疲臥不起

而大汙

隴西縣上西至本漢獠道縣也昭屬天水郡後漢末於

此置南安郡開皇元年移道移武陽縣名於郡理屬渭州

八年改武陽為隴西

安都山在縣西四十九里

落門水出縣東南落門谷後漢建武十年來歙大破隗囂

於落門即此地也

渭水經縣南

彰縣上東北至本漢彰縣也屬隴西郡永元元年封耿東

為彰侯是也永嘉南渡縣遂廢焉後魏宣武復置屬果

陽開皇三年罷郡縣屬渭州

龍馬山在縣西四十里

彰水南去縣一里

鹽井在縣南二里遠近百姓仰給焉

武州武都

開元戶二十四百五十三

鄉十二

禹貢梁州之地古西戎地也戰國時白馬氏居焉氏即西戎之別名種也元鼎六年開白馬氏以其地為武都郡魏太祖以楊阜為武都太守及劉備取漢中魏文帝徙都武子美陽即今好時縣界也後諸葛亮使將攻武都陰平遂剋定二郡其地始入於蜀平後晉復以為郡及永嘉南遷中原皆叛武都又為氏楊茂搜其所據羣氏推以為王其後楊難當為宗所破其苗裔復擁象據武都之仇池山在今成州略復平仇池於仙陵山東置武都鎮宣武帝於鎮城復置武都郡廢帝改置武州大業三年又改為武都郡

武德元年復為武州

州境東西二百九十里
 南北一百九十里

八到東北至上都二百六十里
 東北至東都二百六十里
 東至興州三百五十七里
 西北至宕州二百五十七里
 南至文州三百六十里
 北至成州三百八十里

貢賦
 開元貢
 燭
 椒
 賦
 布

管縣三

將利

福津

盤堤

將利縣中下本漢羌道縣地後魏於此置石門縣周閔帝改為將利縣屬永都郡開皇三年罷郡縣屬武州皇朝因之

仙陵山在縣西六里

武都有紫水泥亦紫漢朝封璽

又出上品雄黃色如鷄冠

羗水一名陵水經州城南二里

福津縣

中下西北至州六十六里

本後魏之武階郡也屬南秦州文帝

又置福津縣屬武階郡開皇三年罷郡移福津縣於郡置

馬屬武州皇朝因之

隴東山在縣北四十里

盤堤縣

中下西北至州百五十里

本漢河池縣之地也後魏廢帝于此置

武陽郡領盤堤縣開皇三年罷郡縣屬武州皇朝因之

盤堤山在縣東南七十三里

縣城魏鄧艾與蜀將姜維相持於此築城置茹蘆戍後於

此置縣

蘭州

州下

金城 開元戶四千

鄉十五

禹貢雍州之域古西羗地也秦并天下是為隴西郡漢武帝降匈奴以其地置武威酒泉張掖敦煌四郡又分隴西置天水郡昭帝六年分隴西張掖以為金城郡今州即金城郡之舊地也初築時得金故曰金城又言金取其堅固領縣十三宣帝又置金城屬國以處降羗平帝元始四年金城塞外羗獻羔魚鹽之地內屬漢遂得西王母石室以

為西海郡理龍夷城即今河源軍西一百八十里威戎城是也後漢建武十三年省金城入隴西郡明帝永平元年復立永熹支前涼張軌分立興晉郡張寔徙金城縣即今州理是也西秦乞伏乾歸都苑川南涼秃髮烏孤都廣武皆此地也苑川在今五泉縣至乞伏慕末為赫連定所滅隋開皇元年立為蘭州置總管府取臯蘭山次為名也大業三年罷州為金城郡武德二年討平薛舉復置蘭州八年置節度府明愛元丘罷復為州寶應元年沒于西蕃州境東西南北六百七十里東南至上都八到東南至東都

東至臨州一百九十里
東北至倉州三百八十里
西北至鄠州四百里
西南至河州三百里
貢賦開元貢麻褐野馬皮

管縣二 五泉 廣武

五泉縣中下本漢金城縣也屬金城郡前涼張實徙金城郡理焉開皇三年罷郡縣屬蘭州皇朝因之

康狼山亦名熱薄汗山在縣南一百四十里西秦乞伏乾歸太子熾盤招結諸部二萬七千築城于康狼山以據之即此山也

黃河流經縣北去縣二十里

金城關在州城西周武帝置金城津開皇十八年改津為

關

廣武縣中下南至州二百二十五里本漢枝陽縣也前涼張駿三年分

晉興置廣武郡開皇三年罷郡置廣武縣屬蘭州大業二

年改為允吾音錫縣取漢舊名也六年改為會寧縣武德三

年重置廣武縣

琵琶山在縣西北一百五十里北涼沮渠蒙遜恃其強陰

謀圍周乃擁衆南保琵琶山即此也

烏逆水在縣西南二十許里水西有馬蹄谷漢武帝使李

廣利伐大宛得天馬胡馬感北風之恩遂頓絕羈絆而馳

晨發京城食時至燉煌寨下今谷中石上猶存蹄跡

允吾故城在縣西南一百六十里本漢縣屬金城郡

浩疊故城在縣西南一百三十里漢縣也屬金城郡疊者

水流峽岸深若門也

河州安樂府

開元戶五千二百八十九

鄉十四

禹貢雍州之域古西羌地也梁昭帝分隴西天水張掖三

郡立金城郡今州即金城郡之枹罕縣也枹音浮靈帝時隴

西宋建自稱河平王聚衆枹罕改元置百官獻帝建安末

夏侯妙才討平之晉惠帝立枹罕護軍前涼張軌保據涼州

立為興晉郡張駿二十一年以州界遼遂分置河州以禹

貢導河積石至於龍門積石州界故曰河州後乞伏熾磐
又自金城都於此後魏平定秦隴西改置枹罕鎮孝文太
和十六年改鎮復為河州大業三年罷州改為枹罕郡武
德二年討平李軌改置河州寶應元年陷于西蕃

州境

東西二百二十八里
南北三百七十里

八到

東至上都一千四百六十里
東至東都二千三百二十里
東至蘭州三百里

西至廊州三百九十里
東至洮州三百里

西至鄯州三百里

貢賦

開元

貢麝香

麋金

賦麻布

管縣三

枹罕

鳳林

大夏

枹罕縣郭上本漢舊縣屬金城郡故罕羗侯邑秦滅為
縣後遂因之

積石山一名唐述山今名小積石山在縣西北七十里按
河出積石山在西南羗中注于蒲昌海潛行地下出於積
石為中國河故今人目彼山為大積石此山為小積石
鳳林山在縣北三十五里

河水在縣北五十里河下也按四瀆之中河源最高從高
注下故其流峻急禹貢導河積石至於龍門又曰導洛
自熊耳按洛水出上洛西山經熊耳之北所言導河者皆謂
紀所施功不必自其源也

鳳林縣東南至州八十里本漢白石縣地後魏大統十二年刺史

楊寬於河南鳳林川置鳳林縣因以為名儀鳳元年于河

州西移安鄉縣理此又名安鄉天寶元年改名鳳林

石門山在縣東北二十八里山高險絕對岸若門即阜蘭

山門也漢武元符三年霍去病出隴西至阜蘭即此也

離水西去縣二百步

大夏縣中下西北至州七十里本漢舊縣屬隴西郡前涼張駿置

大夏郡縣屬焉周改屬枹罕郡開皇三年罷郡縣屬河

州

金劍山在縣西二十里

大夏山水經縣南去縣十步

鎮西軍在州西一百八十里開元三年哥舒翰於索恭川

置

振威軍在天成軍西百餘里天寶十三年九月哥舒翰攻

吐蕃鷓鴣寨城置

鄯州西平下府開元戶六千四百四十六

鄉十五

禹貢雍州之域古西戎地也春秋及秦漢為羌胡所居昭

帝元始元年置金城郡按金州界即金城都地也後漢獻

帝分置西平郡屬涼州前涼張軌分西平置晉興郡張天

錫以晉興西平二郡遼遠分為廣源郡後梁呂光改西平

為西河郡南涼禿髮烏孤自稱武威王徙郡于此弟儁檀
遷于姑臧後復治徙于此為乞伏熾磐所併後魏以西平
郡為鄯善鎮孝昌三年改鎮立鄯州大業三年罷州復為
西平郡隋亂陷賊武德二年討平薛舉開隴平定改置鄯
州儀鳳二年置都督後復為州開元二十一年置隴右節
度使都管兵七萬五千人馬一萬六千六百匹衣賜二百五十
一萬匹段備西戎統領洮軍開元中移就節度衙置管兵
五萬五千人馬八千四百匹河源軍州西百二十里儀鳳
二年即將李乙支置管兵一萬四千馬六百五十三匹白
泉軍州西北二百三十里開元五年郭知運置管兵四千

人馬五百匹安人軍河源軍西一百二十里星宿川開元
七年郭知運置管兵萬人馬三百五十匹振威軍州西三
百里開元中信安王禕置管兵千人威戎軍州西北三百
五十里開元一十六年杜希望置管兵千人馬五十匹綏
和守捉州西南二百五十里開元二年郭知運置管兵千
人合州郡守捉州南百八十里貞觀中侯君集置管兵千
人合川郡疊州莫門軍洮州城內儀鳳二年置管兵五千
五百人馬二百匹寧塞軍州城內管兵百人馬五十匹
積石軍州西百八十里儀鳳二年置管兵七千人馬一
百匹鎮西軍河州城內開元二十六年杜希望置管兵一

萬二千人馬三百匹 平夷守捉河州城內西南四十餘里
開元二年郭知運置管兵三千人 寶應元年沒于西蕃

州境東西三百五里
南北二百十五里

八到東南至上都一千九百里
東南至東都二千七百里
東至蘭州二百二十里

西至西海三百七十里

西南至蘭州一百四十里

貢賦開元貢 羯十疋 羚羊角兩隻

管縣三

湟水

鄯城

龍支

湟水縣中下本漢破羌縣地屬金城郡魏分置西都縣屬

西平郡開皇三年罷郡縣屬鄯州十八年改為湟水縣

皇朝因之

土樓山在縣西一百三十里下有土樓神祠

湟水一名湟河亦謂之樂都水出青海東地亂山中東南

流至蘭西南入黃河

浩疊水今謂之閣門水經縣東去縣五十五里漢宣帝神

爵元年遣後將軍趙充國擊先零羌充國欲罷騎屯田

以待其弊計度臨羌東至浩疊羌虜故田人所未墾可二

千頃已上又理湟陜以西道橋七十所今可至鮮水左右

留步士萬人屯田為必禽之其詔從之充國竟以屯田之

利支鮮先零

鄯城縣中東至州一百二十里儀鳳二年分湟水縣至北枕湟水西

即土樓山

龍支縣中北至州百三十五里本漢允吾縣也屬金城郡後魏初于

此置金城縣廢帝二年改名龍支縣西南有龍支谷

因取為名

積石山在縣西九十八里南與河州枹罕縣分界

黃河在縣西南六十里

廓州寧塞開元戶三千九百六十四

高貢雍州之域古西羌地漢宣帝時西羌數背叛後將軍

趙充國屯隴西諸羌不敢動後漢燒當等八種羌為寇段

熲擊破之諸羌弭定獻帝建安中分金城置西平郡南涼

秃髮烏孤又以河南地為洮河郡周建德五年于今州理

西南達化縣界洮河故城置廓州蓋以開廓邊境為義大

業三年罷州復為洮河郡隋亂陷于寇賊武德二年西土

平定改置廓州乾元元年陷于西蕃

州境東西三百九十四里南九百九十里

八到東南至上都二千九十里東南至東都二千九十里

東至廓州三百九十里西至蕃界樹郭城三百二十里

南至新置躍武軍二百里北至新安夷騎八十里

貢賦開元貢麩金大黃戎鹽麋香

管縣三

化城

達化

朱川

化城縣即下本後魏石城縣地廢帝二年因境內有化隆谷因改為化隆縣皇朝因之先天年改為化城縣

黃河在縣南八十里

扶延山在縣東北七十里多糜鹿

達化縣

州三十里

本後周置達化郡并達化縣開皇三年

罷郡移縣入郡解即今縣是也皇朝因之

黃沙戍在縣東二十里

朱川縣

州一百里

本前涼張天錫于此置郡川成後魏孝

昌二年于成城置廣威縣貞觀十年于本縣東一百二

十里黃河南岸置朱川縣屬河州永徽六年移于河北

屬廓州

積石軍在州西南一百五十里儀鳳二年置西臨大澗北

枕黃河即隋洮河郡所理

寧邊軍在積石軍西黃河北

威勝軍在積石軍西八十里宛肅城

金天軍在積石軍西南一百四十里洪濟橋

武寧軍在洪濟橋東南八十里百谷城

曜武軍在州南二百里黑碛州

右寧軍等五軍並天寶十三年哥舒翰奏置

岷州

和政

開元戶三千九百五十

鄉十四

禹貢雍州之域古西羌地也禹貢西羌傾朱圉鳥鼠按西
 傾山在洮州之西今州處其東北此則雍州之域明矣在
 秦為隴西郡洮縣自秦至晉不改後魏文帝始于此置岷州
 南有岷山因以為稱仍領同和郡又改為臨洮郡隋末淪陷寇賊
 三年罷郡屬岷州大業三年復為臨洮郡隋末淪陷寇賊
 義寧二年改為岷州天寶元年改為和政郡乾元元年復
 為岷州上元二年因羌叛陷于西蕃

州境東西一百六十里
南北三百六十七里

八剽東北至上都一千三百三十六里
東北至東都二千一百八十六里

東北至渭州二百二十六里
 西南至洮州一百八十里
 南至宕州三百八十里
 北至臨州三百四十里

貢賦開元 龍鬚席 鸚鵡鳥 犂牛酥

管縣三

溢樂

祐川

和政

溢樂縣中下本漢秦之臨洮縣也屬隴西郡後魏置同和
 郡縣屬焉開皇三年罷郡縣屬岷州義寧二年改置
 溢樂縣

岷山在縣南一里

崆峒山縣西二十里

州城本城臨洮城也復漢建初二年金城隴西保塞羌皆

反車騎將軍馬防長水校尉耿恭擊平之即此地也

董卓臺在縣北十五步

秦長城首起縣西二十里始皇三十四年并天下使蒙恬將三十萬衆北逐戎狄築長城起臨洮至遼東延袤萬餘里

祐州縣中下西北周明帝武成元年置開皇九年省義

寧二年帝置先天元年改為祐川縣取縣西祐川為名也

和政縣中下南本後周洮城郡也武帝保定元年郡

省置同和縣屬同和郡宣政元年改為和政縣開皇三年

罷郡縣屬岷州皇朝因之

洮水西南自溢樂縣界流入

和政府在縣西北七里

洮州臨洮開元戶三千七百八十四

鄉七

禹貢雍州之域古西羌地也自秦漢至於魏晉皆諸羌所

居至後魏吐谷渾又侵據其地後周明帝武成中西逐諸

戎其地內屬置洮陽防武帝保定元年立洮州大業三年

罷州改為臨洮郡隋季亂離所在陷沒郡守孫長詢率所

部百姓嬰城固守以義寧元年舉城歸國武德二年復于

此置洮州貞觀四年州移治故洪和城于此置臨洮鎮五

年廢鎮置御諱州八年廢州復移洮州治此永徽元年置

都督府開元十七年廢入岷州二十年於臨潭又置臨州
二十七年又改為洮州廣德元年陷于西蕃

州境東西五百五十里
南北二百二十里

八到東北至上都一千五百里
東北至東都二千三百六十里

東至岷州一百八十里

西至黃河六百里

西南至疊州一百八十里

貢賦開元貢

管縣二

臨潭

美相

臨潭縣郭下本隋美相縣周保定元年置貞觀四年移美
相縣於東北洪和城內五年于州理改置臨潭縣其城東

北三面並枕洮水

洮水出縣西南三百里

嶽臺山即禹西傾山也

扞傍山在縣東南十一里扞傍羌語也羌語呼石為扞呼

高為傍因以為名

安西府在縣東四十里周明帝武成元年行軍總管博陵

公賀蘭祥討吐谷渾築此城以保據潭平後因置博陵郡

隋又為縣屬洮州貞觀十二年省縣入臨潭十三年於此

置安西府

廣思鎮在縣西一百八十里

莫門軍儀二年置在州城內

神策軍在州西八十里天寶十三年哥舒翰置在洮河南

山岸

美相縣中西至州本漢隋舊縣治在城貞觀四年移洮州

在此縣亦隨徙焉

霧露山在縣北十里

疊州合川開元戶一千二百七十七

鄉十一

禹貢梁州之城歷秦漢魏晉諸羌常保據焉至後魏其地入吐谷潭周武帝達德六年西逐諸戎始統有其地乃置疊州蓋取山川重疊為義大業年廢疊州以縣屬洮州武

德二年西二內附于今州西二十九里合川故城置疊州

五年陷吐谷潭七年討平之復置疊州今州城在獨山上

西臨絕澗南枕羌水十三年置都護府永徽元年罷天寶

元年改為疊川郡乾元元年復為疊州

州境東西二百六十五里

八到東至上都一千七百里

東南至東都二千五百六十里

西至黃河上疊項岸二百八十里

貢賦關元貢甘松香麝香酥調麻布

管縣二合川常芳

合川縣下本周武二年置有三谷水至縣東合流因以為

名周屬西疆郡開皇三年罷縣屬疊州皇朝因之

石鏡山在縣西北四大五里其山石皎徹臨照莫不見其
形體故以為名山有銅窟隋代採鑄今亦慎塞

白水一名墊江水在州西六十里

蕪水出縣東平地人有患冷者煎水服之多愈

常芳縣中西北至本周武成中所置恒鄉屬芳州郭下

前上元中芳沒蕃神龍元年移縣名于天法山東蕪董谷

西即合縣理是也

芳州

貞觀戶八百六十二

禹貢梁州之域秦漢及魏晉皆諸羌所居至後魏吐谷渾
入侵據焉周明帝武成中西逐諸戎始有其地乃于三交口
築城置甘松防武帝建德中改為芳州以為名領恒香深
泉二郡大業二年郡州廢以縣屬扶州隋氏喪亂陷于寇
賊武德元年西邊平定復于常芳縣置芳州高宗上元二
年陷于西蕃

州境

東至上都一千八百四十里
南至東都二千七百里

東南至扶州三百里

西南至羌直州一百六十里

東至羌二百三十里
西至疊州一百四十里

貢賦 貢 犂牛酥 調麻布

管縣三 常芬 恒香 丹嶺

常芬縣下本周置屬恒香郡開皇三年罷郡縣屬芳州
唐上元二年陷于西蕃神龍元年移縣名屬疊州

素嶺山在縣東七十里春夏常多積雪因名之

甘松府在城內

恒香縣下東北至州十五里貞觀二年置寄理恒香成

帝侯山在縣南三里

丹嶺縣下東南至州二十里本隋舊縣開皇十九年置屬芳州義寧

三年屬甘松郡武德元年罷縣屬芳州所管百姓皆是

党項諸羌界內雖立縣名無城郭居處

湫池在縣西八十里通彌山中周回百餘里蓋古之天池

大澤白水之源蓋出此也

宕州懷道開元戶一千六百五十九

鄉六

禹貢梁州之域古西羌地也自秦漢至漢晉皆諸羌據焉

後魏招撫西戎始有其地有梁彌忿者宕昌羌也其先羌

豪祖勒自稱宕昌王彌忿大武初表求內附大武嘉之拜

彌忿為宕昌王其後遞相傳龍稱藩于魏謂其地為宕昌

藩周天和元年改藩置宕州大業三年罷州復宕昌郡武

德元年置宕昌郡武德元年置宕州天寶元年改為懷道

郡乾元三年復為宕州因宕昌山為名也

州境東西三百六十五里
南北四百二十九里

八到東北至上都一千四百七十里
東北至東都二千三百三十里
西北至疊州二百五十里
西南至武州二百五十里
東南至扶州四百里
北至岷州三百八十里

貢賦開元貢麩金射香

管縣二 懷道 良恭

懷道縣中下本周武帝天和元年置屬甘松郡開皇三年

罷郡屬宕州皇朝因之

蕓董成縣西一百八十三里

良恭山在縣北四十里出雌黃

研花山在縣東北八十里出朱砂雄黃人常採取之

宕昌故城今為交和城在縣東五十二里

良恭縣西南至州本周之陽谷縣也武帝天和五年置宕

昌郡開皇三年罷郡縣屬宕州十八年改為良恭縣

願虜山接縣城西北隅東西四十里南北三里

臨州 狄道 下府

州境 東西 南北

八到東南至上都一千二百八十里
東南至東都一千一百四十里

天寶初割蘭州狄道縣又別置安樂縣置臨州：郭舊

有臨洮軍久視元年置至寶應元年陷于西蕃

狄道縣上

安樂縣下

元和郡縣志卷第三十九終

元和郡縣志卷第四十

隴右道下

管州八

涼州

甘州

肅州

沙州

瓜州

伊州

西州

庭州

涼州武威中府

開元戶二萬六千一百六十五

鄉十五

禹貢雍州之西界自六國至秦戎狄及并氏居焉後匈奴破月氏殺其王以其頭為飲器月氏乃遠過大宛西擊大夏而臣之匈奴使休屠王及渾邪王居其地漢武帝之討北邊休屠渾邪教見侵掠單于怒遣使責讓之二王恐見誅乃降漢得其地遂置張掖酒泉燉煌武威四郡昭帝

又置金城一郡謂之河西五郡改州之雍州為涼州五郡皆屬焉地勢西北和出在南山之間隔絕西羗西域于時號為斷匈奴右臂獻帝時涼州數有亂河西立郡去州隔遠自來別立州于是以五郡立為雍州魏又分雍州置涼州領河西五郡晉惠帝永寧元年以張軌為刺史持節護羗校尉會永嘉之亂因保舉據涼州是為前涼至張天錫為符堅所滅後十餘年又為呂光所據是為後涼至呂隆為姚興所滅及沮渠蒙遜起兵據張掖是為北涼置沮渠茂虔為後魏所滅及大武帝改州鎮置四軍成孝文太和十四年後為涼州領威武等十郡二十縣周置總管府大

業三年改為武威郡廢總管隋末喪亂陷于寇賊武德二年討平李軌改為涼州置西河節度使都管兵七萬三千尺羗胡統赤水軍在涼州城內管兵三萬三千馬一萬三若莫如赤水幅員五千一百大斗軍涼州西二百里李是八十裡前拒土蕃北臨突厥大斗軍赤水軍守捉開元十六年改為大斗軍因大斗枝谷為名建康軍證聖元年尚管兵七千五百人馬二千四百足建康軍書王孝傑開鎮周迴以甘肅兩州中間濶遠頻被賊鈔遂于甘州西二百里置此軍管兵五千三百人馬五千三百足東去理所七百里寧寇軍管兵一千七百七人馬五百餘足玉門軍肅里也寧寇軍管兵一千一百餘人馬寶墨離軍州西三百人馬六百足東去理所一千一百餘里墨離軍州西北一千里管兵五千五百人馬新泉軍會州西北二百里大四百尺東去理所一千四百餘里新泉軍會州西北二百里大七千人西去理豆盧軍沙州城內以當匈奴要路山川迴澗所四百西去理豆盧軍神龍初置立豆盧軍以鎮之兵四千

五百人馬四百疋去張掖守捉東去理所五百里管兵交
理所一千七百餘里
涼州西北三百里
天寶元年
改為武威郡乾元二年復為涼州廣德二年陷于西蕃
州城本匈奴新築漢置為縣城不方有頭尾兩名為鳥

城南北七里西三里地有龍形亦名卧龍城
州境東西四百里
南北八百三十里

八到東北至上都取秦州路二千里取蘭皋路一千六十里
貢賦開元貢馬皮五張細褐白裘柔毛氍

管縣五

姑臧 昌松 神烏 嘉麟 天寶

姑臧郭上下本漢舊縣屬武盛郡因姑臧山為名亦言故匈奴

奴蓋臧城後人音訛為姑臧焉

姑臧南山一名雪山在縣南二百三十里

天梯山在縣南二十五里

白亭軍在縣北三百里馬城河東岸舊置守捉天寶十年哥舒翰改置軍因白亭海為名也

文車澤在縣東三十里前秦苻堅遣將軍苟萇毛盛將軍伐北涼造機械衝車因古為名

休屠鎮城在縣北六十里漢休屠縣也

明威戍在縣北一百八十里

武安戍在縣西北一百六十里

五百人馬四百匹去張掖守捉東去理所五百里管兵交
理所一千七百餘里涼州西北三十里
城守捉管兵一千人白亭軍涼州西北三百里天寶元年
改為武威郡乾元二年復為涼州廣德二年陷于西蕃
州城本匈奴新築漢置為縣城不方有頭尾兩名為烏
城南北七里西三里地有龍形亦名卧龍城

州境東西四百里南北八百三十里

八到東北至上都取秦州路二千里取蘭皋路一千六十里

貢賦開元貢馬皮五張細褐白麥桑毛氈

管縣五 姑臧 昌松 神烏 嘉麟 天寶

姑臧郭上本漢舊縣屬武威郡因姑臧山為名亦言故匈奴

奴蓋臧城後人音訛為姑臧焉

姑臧南山一名雪山在縣南二百三十里

天梯山在縣南二十五里

白亭軍在縣北三百里馬城河東岸舊置守捉天寶十

年哥舒翰改置軍因白亭海為名也

文車澤在縣東三十里前秦苻堅遣將軍苟萇毛盛將軍

伐北涼造機械衝車因出為名

休屠鎮城在縣北六十里漢休屠縣也

明威戍在縣北一百八十里

武安戍在縣西北一百六十里

武興鹽池眉黛鹽池並在縣界百姓咸取給焉

昌松縣郭下本漢焉鳥縣張天錫改置武興縣後廢武德

三年又于城內置神鳥縣與姑臧分理神鳥理西姑臧理

東貞觀年廢德重元二年又置也

神鳥縣西北至州百二十里本漢蒼松縣屬武威郡後梁置昌松郡

縣屬焉開皇三年改昌松為永年縣後以重名復為昌

松

金山在縣南一百八十里麗水出焉

蒼松故城在縣東北十里漢蒼松縣也

麗水府在縣城中

白馬戍在縣東北五十里

嘉麟縣中下東南本漢宣威縣地前涼張軌于此置吳

武郡後梁呂光改置嘉麟縣後廢萬歲通天元年重置

天寶縣中下東至本漢番罽禾縣屬張掖郡北梁沮渠

蒙遜立為番禾郡後魏太武帝平涼罷郡置軍開皇三年

改為皇朝因之天寶中改為天寶縣

甘州張掖下開元戶五千四百四十

鄉十七

禹貢雍州之域自六國至秦戎狄月氏居焉漢初為匈奴

右地武帝元鼎六年使將軍趙破匈奴出令居乃分武

威酒泉地置張掖燉煌郡斷匈奴之右臂自張其掖因以

為名初屬張軌後涼末段業亦嘗據此地後業為北涼沮渠蒙遜所殺據之後又遷理姑臧後魏太武平涼以為張掖軍廢帝二年改軍置甘州因州東甘峻山為名或言地多甘草故名大業三年罷州為張掖郡隋亂陷賊戎武德二年討平李軌改置甘州永泰二年陷于西蕃

州境東兩四百十六里南北一千三百七里

八到東南至上都二千五百里東南至東都三千三百六十里

東至涼州五百里西至肅州四百里

南至大雪山二百三十里東北至花門山一千四百五十里

貢賦開元貢野馬皮白奈枸杞

管縣二 張掖 刪丹

張掖縣下郭下本漢解得屬張掖郡本匈奴解得王所居因以名之晉改名永平縣開皇三年改永平為酒泉縣大業二年改為張掖縣取舊郡為名也皇朝因之

合黎山俗名要塗山在縣西北二百里禹貢導弱水至于合黎

祁連山在縣西南二百里張掖酒泉二界上美水茂州山中冬溫夏涼宜牛羊乳酪濃好夏瀉酥不用器物置于艸上不鮮散作酥特好一斛酪得斗餘酥
雪山在縣南一百里多材木箭竿

甘峻山在縣東北四十五里出青巖鷹稱為奇絕常充貢
獻

居延海在縣東北一百六十里即居延澤古文以為流沙
者風吹流行故曰流沙

鹽池在縣北九百三十里其鹽潔白甘美隨月虧盈周迴
一百步

建昌軍在州西北一百九十里

刪丹縣州中下西至本漢舊縣屬張掖郡按焉支山一名

刪丹山故以名縣山在縣南五十里東西百餘里南北二

十里水艸茂美與祁連同匈奴失祁連焉支二山乃歌曰

亡我祁連山使我六畜不繁息失我焉支山使我婦女無

顏色

弱水在縣南山下

大斗枝谷在縣南二百里大業五年煬帝躬率將士出西

平道討吐渾還此谷會大霖雨士卒凍餒死者十六七

寧寇軍在車延水兩河中天寶二年置

肅州酒泉開元戶二千二百五十二

編八

禹貢雍州之域古西戎地也六國時月支居焉後匈奴所

逐奔逃西徙匈奴得其地使休屠昆邪王分守之武帝

元狩二年昆邪王殺休屠王將其眾來降以其地為武

威酒泉郡以隔絕胡與羌通之路以城下有泉其味若酒
故名酒泉初屬張軌後涼呂光復據有後魏道武天興三
年晉昌太守唐移檄六郡推武昭王為王為大都督涼公
秦涼二州牧自燉煌遷都于此號西涼王後沮渠蒙遜復
據有其地後魏太武平沮渠氏以酒泉為軍屬敦煌鎮明
帝孝昌中改鎮立瓜州復置酒泉郡開皇三年罷郡立酒
泉鎮所領縣並屬甘州仁壽二年以境宇遼遠分甘州置
肅州隋末陷于寇賊武德元年河右底定復于酒泉縣置
肅州大歷元年陷于西蕃

州境東西五百六十四里
南北五百四十里

八到東南至上都二千九百里
東南至東都二千七百六十里
西北至瓜州四百八十里
東至甘州四百里
南至土蕃雪嶺二千五百里
西北至葭蘆泉五百里

貢賦開元 貢 野馬皮 礪石 肉蓯蓉 栢脉根

管縣三 酒泉 福祿 玉門

酒泉縣中下本漢福祿縣地屬酒泉郡自漢至隋不改

義寧元年分置酒泉縣初西涼武昭王自敦煌遷都于
此至于歆為沮渠蒙遜所破

崑崙山在縣西南八十里周穆王見西王母樂而忘歸即
此山

洞庭山在縣西七十里四面懸絕人不能上遙望缺如鑄銅色山中出金

白亭海在縣東北一百四十里一名會水以衆水所會故曰會水以北有白亭故曰白亭海方俗之間河北得水便名為河塞外有水便名為海

遮虜障在縣北二百四十里李陵與單于戰處隋鎮將楊

元于其地得銅弩牙箭鏃

西涼武昭王陵在縣西十五里

福祿縣中下西本漢樂涇音涇宮縣屬敦煌郡後魏大武

帝平沮渠茂虔改縣為成隸敦煌鎮孝文帝改為樂涇縣

隋改縣為鎮武德二年置福祿縣取舊名也

崆峒山在縣東南六十里黃帝西見廣成子于崆峒漢武帝行幸雍祠五時遂登崆峒並為此山也

初連成在縣東南一百二十里

鹽池在縣東北八十里周迴百姓仰給焉

玉門縣中下東至州本漢舊縣屬酒泉郡漢罷玉門關屯

戍徙其人于此因以為名縣後孝明帝改為玉門郡周武帝省入會稽縣開皇十年後改為玉門縣皇朝因之

金山在縣東六十里出金

獨登山在縣北十里其山鹽鮮白甘美有異常鹽取充

貢獻

石脂水在縣東南一百八十里泉有苔如肥肉燃之極明
水上有黑脂人以草蓋取用塗鴟夷酒囊及膏車周武
帝宣政中突厥圍酒泉取此脂燃火焚其攻具得水逾明
酒泉額以獲濟

玉門軍門開元中玉門縣為吐蕃所陷因于縣城置玉

門軍天寶十四年哥舒翰奏廢軍重置縣

沙州敦煌開元戶六千四百六十六

御十三

禹貢雍州之域古戎地也左傳所謂允姓之戎居于瓜州

注云在今燉煌是也漢武帝元鼎六年酒泉置燉煌郡

今州即其地也前涼張駿于此置沙州蓋因鳴沙山為名

流沙即居延澤也以西胡校尉楊宣為刺史後三年宣讓

州復改為敦煌郡梁武昭王初都于此後又遷于酒泉後

魏太武帝于郡置敦煌鎮明帝罷鎮立瓜州地為名也

尋又改為義州莊帝又改為瓜州大業三年又罷州為燉

煌郡隋末喪亂陷于寇賊武德二年西土平定置瓜州五

年改為沙州建中二年陷于西蕃朝以敦為燉煌

州境

八到東南至上都三千七百里

東南至東都四千五百六十里
東至瓜州三百里
西至石城鎮一千五百里

西至吐蕃界三百里
北至伊州七百里
貢賦 開元 貢 野馬皮

石膏 碁子石 特羊角

管縣二

燉煌

壽昌

燉煌縣上本漢舊縣也屬燉煌郡周武帝改為鳴沙縣
以界有鳴沙山因以為名大業二年復為燉煌敦大也

其開廣西城故以盛名

三危山在縣南三十里山有三峯故曰三危尚書竈三苗
于三危即此山也

鳴沙山一名神沙山在縣南七里今按其山積沙為之峯
壺危峭踰于山石四面皆為沙攏背有如刀刃人登之即

鳴隨足頽落經宿風吹落輒復如舊

有泉水名曰沙井綿歷古今沙填不滿水極甘美懸泉水
水在縣東百三十里出懸泉山漢將李廣利伐大宛還士
衆渴之引佩刀刺山飛泉湧出即此也水有靈車馬大至
即出多少至即出少

鹽池在縣東四十七里池中鹽常自生百姓仰給焉

壽昌縣東至本漢龍勒縣因山為名屬敦煌郡

周武帝省入鳴沙縣大業十一年于城內置龍勒府武德二
年改置壽昌因縣南壽昌澤為名也

龍勒水在縣南一百八十里龍勒山上李陵發兵至遮虜

障東浚稽山南龍勒水上徘徊觀虜所見即此水

陽關在縣西六里以居玉門關之南故曰陽關本漢置也
謂之南道西趣鄯善莎車後魏嘗于此置陽關縣周廢玉
門故關在縣西北一百十八里謂之北道西趣車師前庭及
疏勒此西域之門戶也班超在西域上疏曰臣幸得護西
域如自以壽終屯部臣無所恨恐後代謂臣沒西域臣能
無依風首邱之思哉臣不敢望到酒泉郡但願生入玉
門關即此是也

豆盧軍神龍元年置在州城內

瓜州晉昌
下府

本漢酒泉郡元鼎六年分酒泉置燉煌郡今州即酒泉
敦煌二郡之地晉惠帝又分二郡置晉昌郡周武帝改為
永為興郡開皇三年罷郡縣屬瓜州按隋瓜州郡今沙州
也大業三年改瓜州為燉煌郡武德五年改瓜州別于晉
昌瓜州地出美瓜故取名焉狐食其瓜不見首尾大歷十
一年蹈于西蕃

州境東西三百九十三里
南北六百八十四里

八到東南至上都三千四百里
東南至東都四千二百六十里

東南至肅州四百八十里
西至沙州三百里

南至大雪山二百四十里

貢賦 開元 貢 草鼓子 吉莫皮

管縣二

晉昌

常樂

晉昌縣 中下 本漢冥安縣屬敦煌郡因縣界冥水為名也 晉光康中改為晉昌郡 周武帝省入涼興郡 開皇四年改為常樂縣 屬瓜州 武德七年為晉昌縣

雪山在縣南一百六十里積雪夏不銷東南九十里南連

吐谷渾界

冥水自吐谷渾界流入大澤東西二百六十里南北六十

里豐水草宜畜牧

玉門關在縣東二十步

合河成在縣東北八十里在州西二百步蓋神龍元年置

之

常樂縣 中下 東至本漢廣至縣地屬燉煌郡魏分廣至

置宜禾縣後魏明帝改置常樂隋于此置常樂鎮武德

五年復置常樂縣

伊州 伊吾 開元戶一千七百二十九

卿七

禹貢九州之外古戎地古稱昆吾周穆王伐西戎昆吾獻赤刀後轉為伊吾周衰戎狄雜居涇渭之北伊吾之地又為匈奴所得及秦始皇攘戎狄築長城以界中國漢武時驃騎將軍擊破匈奴右地始築今居以西初置酒泉郡後

分置武威張掖敦煌列四郡據兩關焉西關即陽關玉門也王莽時地屬匈奴後漢明帝永平十六年北征匈奴取伊吾盧地宜禾都尉以為屯田兵鎮之所未為郡縣後復為匈奴所得自建武至于孝和三通三絕至順帝時以伊吾舊膏腴之地傍近西域匈奴資之以為鈔暴開設屯田如故事置伊吾司馬一人至魏立伊吾縣晉立伊吾都尉並寄理敦煌北界非今之伊州後魏及周又有鄯人來居之大業六年得其地以為伊吾郡隋亂又為郡胡居焉貞觀四年胡等慕化內附于其地置伊州

州境東西一千十五里南北四百九十里

八到

東南至上都四千四百三十里
東南至東都五千一百六十里

西南至西州七百三十里

東南取莫賀磧路至瓜州九里
南微東至瓜州七百里

貢賦開元 貢 刀 陰牙角

管縣三

伊吾

柔遠

納職

伊吾縣郭下本後漢伊吾屯貞觀四年置縣

天山一名白山一名時羅漫山在州北一百二十里春夏有雪出好米及金鐵匈奴謂之天山過之皆下馬拜

鹹池海在縣南三百里周迴百餘里州東北四澗水並南流至州南七八里合流為一水側近皆有長田

春夏闕文

柔遠縣下西北至州二百四十里貞觀四年置縣東有柔遠故鎮因以為名兼置守捉

天山在縣北二十里

柳谷水有東西二源出縣東北天山南流十五里合

納職縣下東北至州百二十里貞觀四年置其城鄯善人所立胡

為鄯善為納職因此名縣焉後漢明帝曾於此置宜

禾都尉

但密山在縣北一百四十里山北二十里正抵蒲類海其

蒲類海後漢桓帝時匈奴呼衍王寇伊吾司馬毛愷遣吏

兵五百人與戰悉為所沒即此海也

統海名良田漢將趙充國所屯也俗名婆悉厥海

伊吾軍在州西北三百里時羅漫山北甘露川置刺史為

使景龍四年置

陸鹽池在州南六十里週迴十餘里無魚水自生如海鹽

月滿則鹽多而甘月虧則鹽少而苦

西州交河安西都護

開元戶一萬一千六百四十七

鄉十四

本漢車師國之高昌壁也後漢和帝永元三年班超定西域以超為都護復置戍已校尉治車師前部高昌壁以其地勢高敞人物昌盛因名高昌晉成帝咸和中張駿置高

昌郡後魏太武時有闕爽者自為高昌太守真君中爽為
沮渠無諱所襲奪據之無諱死弟安周代立為蠕蠕所併
蠕蠕以闕伯周為高昌王高昌之稱王自此始也太和初
伯周死子義成立歲餘為從兄首歸以敦煌蓋明為高昌王
五年主阿伏至羅殺首歸以敦煌孟明為高昌王太和二
十年孟明為國人所殺立馬儒為王以麴嘉為長史遣使
內附高昌人恋本土不願東遷相與殺王而立麴嘉麴嘉
卒子堅立堅立卒子伯雅來朝以隋煬帝宇文氏女王波
為華容公主妻之伯雅卒子文泰立遣使貢獻其後漸失
臣禮貞觀十四年詔兵部尚書侯君集統薛萬鈞牛進
達等眾兵討之文泰病死子智盛立八月君集進兵破之
下其二十二城獲戶八千列其地為西州并置西安都護
以統之顯慶二年改置都督府天寶元年復為西州貞
元七年沒于西蕃

州境東西八百九十五里
南北四百八十六里
八到東南至上都五十三里
東南至東都五十里
東北至伊州七百三十里
東南至金沙州一千四百里
西南至烏耆七百二十里
南至樓蘭國一千二百里並砂磧難行
北至金婆嶺至北庭都護五百里

貢賦開元戶土貢 氈毛 乾蒲萄 刺蜜

管縣五 前庭 柳中 交河 天山 蒲昌

前庭縣郭上 貞觀十四年置高昌縣取舊高昌國為名

也天寶元年改為前庭縣

天山夷名折羅漫山在縣北三十里

交河在縣西高昌國土良沃穀麥一歲再熟出赤鹽其

味甚美澤間有草名為年刺其上生蜜食之與蜂不異

名曰刺蜜有鹽其狀如玉取以為枕貢之中國

柳中縣中下西至 貞觀十四年置當驛路城極險固

天山在縣東北

大沙海在縣東南九十里

交河縣中下 東南本漢車師前五庭也按車師前五國

治交河城自漢迄以後魏車師君長相承不絕後魏之後

湮滅無聞蓋為匈奴所併高昌據其地貞觀十四年於此

置交河縣與州同置

交河出縣北天山水分流於城下因以為名

天山縣上 東至州 貞觀十四年置

蒲昌縣中下 西南至 貞觀十四年置本名金蒲城車師

後王庭也

天山軍在州城內開元二年置本漢車師後王庭烏孫之

東境也貞觀十四年置

庭州都護

開元戶二千六百七十六

御五

庭州因王庭以為名也後為賊所攻掠蕭條荒廢明慶中重修置以來濟為刺史治完葺焉謂州所管諸蕃奉勅皆為置州府以其大首領為都督刺史司馬又置奉將一人知表疏等事其俗帳居隨逐水草帳門皆向東開門向慕皇風也其漢戶皆龍朔已後流移人也長安二年改置北

庭都護府按三十六番開元二十一年改置北庭節度使

都管兵二萬人馬五千以防制寇騎施堅昆斬啜突騎施

三千餘里北至昆七十里有瀚海軍北庭都護府城內長

三年郭元振改為湖海軍開元中蓋嘉運重天山軍西州

加修築管兵一萬二千人馬四百匹

開元二年置管兵五千人伊吾軍伊州西北三百里甘露

馬五百足在理南五百里

人馬三百足在理南

州境東南七百里也

八到東南至上都五千二百七十里

東南至東都六千一百三十里

東南至伊州九百七十里

東至西州五百里

西南至烏耆鎮一千一百里

北至堅昆衙帳約四千里

西至碎葉二千二百二十里

東北至迴鶻衙帳三千里

貢賦開元貢陰牙角速賓角內沙阿魏延胡索

管縣三

後庭

蒲類

輪臺

後庭縣郭下貞觀十四年於州南置蒲昌縣長安二年改

為金蒲縣寶應元年改為後庭縣

蒲類縣南至州十八里貞觀十四年置因蒲類海為名先天二年

為默啜所陷開元十四年復置

輪臺縣東至州四十二里長安二年置

清海軍在府西七百里舊名鎮城鎮天寶中改名清海

軍

俱六鎮在州西二百四十里

當碎葉路

憑落鎮在府西三百七十里

神仙鎮在府南五十里

當西州路

沙鉢鎮在府西五十里

當碎葉路

蒲類鎮在蒲類縣置

和遮鎮當蒲類東北四十里

當回鶻路

鹹泉鎮在蒲類縣二百里

當回鶻路

特羅堡子在蒲類縣東北二百餘里四面有積置堡于處周回約二千里有好水草即往回鶻之東路

右元和郡縣圖志四十卷唐宰相李吉甫所上也吉甫病
古今地理家著錄不得其要獨取蕭何收秦圖書而究天
下阨塞戶口多少者以為準則：不待詳閱其書而其體
要卓然可紀也已吉甫再相蓋元和六年此志自載其所
常建白者二事改復天德舊城則在八年更置宥州於經
略軍則在九年其年十月吉甫遂薨于位則是書又其當
國日久乃始纂述此于唐家郡縣疆境方面險要必皆熟
按當時圖籍言之最為可據又其言曰志凡四十七鎮鎮
皆有圖冠其篇首故以圖志名之圖今亡矣獨志存焉耳
憲宗經畧諸鎮吉甫實贊成之其于河北淮西悉當圖上

地形憲宗得以坐覽要害而隄定策畫者圖之助多也惜
乎其不存志傳寫久有關逸又譌誤不敢強補謹書其有
益者以示可傳而已淳熙二年五月一日秘書少監臣大
昌叙

張幾仲帥襄陽且行謂予曰以余之好異書知世間
有甚欲之而無其力者矣之鎮苟暇期取古書有益
者刻木而布傳之庶其費寡而人可得是亦一為政
也秘藏多書蓋選擇見授予思之有元和郡縣圖志
者其所記地理多唐家制度本朝疆理天下率多本
唐則是書之備稽究特與今宜予嘗即蓬山藏本之
末叙列其所以可傳者矣苟欲該惠夫人則莫此為
要遂錄寄之以遂其雅好幾仲名子顏今以敷文閣
待制在鎮淳熙二年至日新安程大昌泰之書

右元和郡縣圖志四十卷目錄二卷唐元和八年丞相李
趙公吉甫所上也後三百六十有三年今京西牧待制張
公幾仲始刻板于襄陽幕府按新唐藝文志著錄是書為
五十四卷會要析而兩之一曰州縣郡國圖三十卷一曰
郡國圖其卷與新志同皆冠以元和三者了不相似以今
所刺證之皆非也地理之最莫切於圖書周官職方氏掌
天下之圖要周知其利害沛公入關蕭何收秦丞相府圖
籍具知阨塞戶口多少疆弱處其漢為雄光武與鄧禹論
天下郡國亦披輿地圖乃克見則不出戶庭而九州萬里
在吾目中如策馬并轡援衣擊領舍此誰則然方趙公為

相疆藩悍帥徂正元餘習擅地自予朝廷莫敢訶而能以
期年間易三十六鎮魏田季安病公請以滑任薛平成重
兵邢洛因圖上河北險要憲宗張於浴室門壁每歎曰朕
日按圖信如卿料則其所著書蓋已見之行事矣豈直匠
匠紙上語而已哉幾仲

先忠烈王勛在彛鼎為

中興社稷匠幾仲濟美稱家文史聲猷有晉宗勝流風度
方守國西門雍容緩帶躡叔子元凱故蹟一旦
天子讀此書悼河山之獨西想燕冀而忼慨嗟為北顧思
有所出趙營平不必馳至金城圖上方畧馬伏波不必聚

米為山指畫形勢幾仲知之矣予願拭目焉奉作書之音
則趙公之叙固在今揭于篇首淳熙三年十一月番陽洪
萬書

子顏少有四方志迨長益篤比年教被

上委使尋復領符襄州奏事

便殿

上諭曰馳驅原隘爾素志也顧味陋何以克承

玉音頃至郡每登峴山撫中原未始不歎息久之思有以

自効者浩不知其涯焉會故人程刑部寄元和郡縣圖志

閱之矍然有感悟惟

明主扼天下之亢制羣生之命者不在茲乎亟用版傳以

資有志籌贊

恢拓之業又得程洪二鉅公題品詳贍斯文為不朽矣昔

司馬子長南遊江淮上會稽探禹穴窺九疑北涉汶泗東
觀齊魯孔子之遺風西使巴蜀以還周覽山川故其為文
廣博驅騁古今愚不敏詎敢擬一二唯欲勉馳馭之素志
竭絲薄于異時益有務于是書亦報

上之一云淳熙三年十二月朔旦上秦張子顏書

